



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 41. Miraculum in puero Judæo.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

bant, quin Papæ per suos Vicarios omni-
bus Conciliis Generalibus præfuerint. Sæculum VI. A.C. 552.

De consensu Legatorum disertis verbis
mentionem faciunt ob Canonem Calce-
donensem Sedi Constantinopolitanæ fa-
ventem, cui suffragari noluerant Legati. Sup. lib.

Hanc Fidei Confessionem & in eadem XXVIII.
Formula Mennas Constantinopolitanus, S. 30. 31.

Theodorus Cæsariensis, Andreas Ephe-
sinus, Theodorus Antiochenus in Pisi-
dia, Petrus Tarsensis & plures alii Epis-
copi tradiderunt.

§. XLI.

Miraculum in puero Judæo.

Mennas Constantinopolitanus haud diu
postea e vivis abiit, postquam Se-
dem tenuisset annis sexdecim, cujus me-
moriam vigesima quinta Aug. Ecclesia Sup. lib. XXXII.
honorat. Ad ejus tempora sequens Mi-
raculum Constantinopoli patratum re-
fertur. Antiquo more in illa Ecclesia re-
ceptum erat, ut, si multæ Corporis Jesu
Christi particulæ superessent, ad eas con-
sumendas pueri innocentes, qui in scho-
lis

Martyr. R. 25. Aug. Evagr. IV. c. 36.

Protestantische Uebersetzer will davon besser berich-
tet seyn, und meynet, es sey nur ein Vorurtheil des
Papisten, welche dieses glaubeten. Jedoch kann er
diesem unverwerflichen Zeugniß der Orientalischen
Bischöfe nichts, das nur erträglich wäre, entge-
gen setzen.

Sæculum VI. A. C. 552. lis primis litterarum Rudimentis imbuebantur, convocarentur. Contigit, ut inter alios filius cujusdam Vitriarii Judæi accerferetur. Parentibus puerum interrogantibus, cur hac die serius rediret, dixit, quid egisset, & quid cum ceteris pueris manducasset. Illico Pater in furorem actus filium ligatum in fornacem conjicit. Afflicta mater hujus rei inscia infantem per totam Civitatem investigabat. Tandem elapso triduo ad ostium fornacis ardentis venit, & filium nomine suo compellat. Ipse in fornace responsum vocanti dedit. Tum Mater perfracto ostio vidit inter carbones stantem & incolumem. Interrogatus, quomodo ab igne illæsus mansisset, dixit Mulierem purpura vestitam sæpe venisse, & carbones circum jacentes injecta aqua extinxisse, eandem, quando esuriebat, cibum attulisse. Imperator comperto hoc prodigio Matrem & puerum baptizari jussit, & utrumque Clericis adscripsit, id est, puer inter Lectores, & Mater inter Diaconissas suscepta est. Patrem vero, Religionem Christianam amplecti recusantem tanquam latronem filii sui adacto palo transfigi mandavit. Historiæ Scriptor Nicephorus Callistus, qui in Sæculo decimo quarto vivebat, testatur, hunc morem Evcharistiæ Reliquias infantibus dandi suo adhuc ævo Constanti-

Niceph.
XVII. hist.
c. 25.

Constantinopoli fuisse servatum, seque ipsum eandem sæpe hoc modo accepisse.

Sæculum VI.
A. C. 552.

Justinianus etiam in causas Judæorum super Religione sua discrepantium inquirabat; id enim apparet ex Lege, octava Febr. anno 552. edita, qua ipsis licentiam facit legendi Scripturam Sacram in suis Synagogis Græco, Latino, aut quocunque sermone voluerint, si modo Græce tantum secundum septuaginta Virorum, aut Aquilæ Interpretationem legeretur. Prohibet vero legi illam, quam secundam Editionem, id est, *Misna*, appellabant, quod meras Traditiones humanas contineret. Unde dispicimus, quorundam Judæorum opinionem fuisse, nullatenus legendam esse publice Scripturam ex aliqua Versione; certe pars ista certantium Victoriam obtinuit, nam hodie in suis Synagogis eam non nisi sermone Hebraico legunt.

§. XLII.

S. Eutychius Patriarcha Constantinopolitanus.

Sancti Mennæ in Sede Constantinopolitana Successor fuit S. Eutychius. Is natus erat in Phrygia circa annum 512.

vit. ap. Boll. 6. Apr. to. 9. p. 550.

Patre Alexandro Viro militari & Belisario in paucis caro. Mater nomine Synesia filia erat Episcopi miraculis clari, qui

Hist. Eccles. Tom. VII. Y y par-